

松鶴山房詩集

松鶴山房詩集卷之二目錄

七言古

松樹爲風雨所拔嘆

贈黃西津總戎海澄

劍俠

題友人墨竹

行路難

海門行

西婦行

贈朱雪崖

吳菽原扇頭賈生畫菊竹二種索題

寧海將軍仙霞奪隘圖

寧海將軍背水鑒兵圖

吳都統招郊外釣魚阻雨走筆寄覺道弘

贈祥符令毛鶴舫

建寧謝節婦

賀兼思伯五臺迎婚霸州

西曹坐繫爲獄中某額駙扇書

心月上人有收骨之行歌以贈之

戴雙城先生扇頭墨竹

戴文開扇頭山水二首

題山海關圖

戴文開扇頭畫

辛未初夏同戴文開楊玉符二先生從遊諸子

南郊射飲醉歌

徐周臣以琴見贈歌以謝之

題吳門徐生望紅集戲學盧李體

金文瀾谷岳修果圖

鐵式之書室

金若千爲式之以楮作書函貼壁間屬余題句
壁間楮作秋桐葉

壽徐元賓

體元以扇頭蘆鴈索題因憶兩弟感賦

吳道人扇畫菊

甲戌仲夏定侯以畫扇屬書感賦

泛小舟渡遼水過劉叟居處歌以壯之

江上女郎歌題畫

題扇頭美人

扇頭畫

代祝輔國公太妃

又扇頭美人

洞天春曉圖

宗室輔國公奉天官民送別圖

題畫漁家樂

許月溪歲寒書屋

爲顧宗伯題畫三首

蒙

仰書恭紀

忘歌有序

送蕭道人回吉水

顧宗伯有徘徊青史案之句命爲書扇

挽東甌陳貞女

驥仲以西山遙寄圖索題書以示之

宿梁家園見諸公和坡公戲子由韻學步書懷

七言古

松樹爲風雨所拔歎

乙卯孟秋

城南山半古梵宮。喬松千尺獨凌空。蟠螭虬結逞蒼翠。扶植全憑造化功。七月清秋風雨惡。裂石崩崖氣磅礴。花卉摧殘不知數。萬樹龍鱗盡剝落。勁幹何難與風爭。失勢恐被連根折。枝條荏苒任飄零。苦心獨守凌霜節。離披偃仰仍倔强。道傍識者多嘆傷。歲寒老樹尚如此。何況朽木與枯楊。風清雨霽會有時。結蓋摩娑插霄漢。寄語山靈好護持。留取天家作楨幹。

黃叔威曰虬翻鯨擲氣勢峻嶒妙處直逼少陵

贈黃西津總戎海澄

天狼搖精動輦鼓海國霜飛紛白羽妖蜃噴霧障九天
蛟穴瀾翻壯士怒黃公氣貫日月光神武不數張
睢陽萬里孤軍撐地軸腰間龍劍耀星芒長鯨席卷
突城下崩奔聲撼武安瓦肘腋奸兇夜縋軍我公拔
劍面如赭忠魂慘淡斗牛寒闔門殉國心同丹將軍
飛鞚摧鋒出問道徵兵望賀蘭長安遠道聞消息
孤臣常惻惻重關電掃海氛清握鉞分符

特南來萬騎勢如雲報主復仇盡義軍三年鬼國初
投款八日平么應待君愧我幽囚身困辱長夜淚枯
天復旭感君烈節送君行淋漓慷慨歌相續
得一道人曰黑雲壓城句先後爭奇

黃叔威曰高老雄勁筆撼五岳

劍俠

吳鉤鐵冷霜花碧寶鞘蟠文散瑤石繫馬城南倚酒
壚慷慨悲歌道疇昔十五從師學遠遊技成豪氣橫
九州丈夫有志酬知己千金豈肯殉王侯淪落江湖

無可說夜中起舞腸內熱探匣一吼老龍驚模糊猶帶髑髏血此君周旋最久長相握相親泣數行翻身躑躑躍玉鋒閃月落庭空繞電光電光初疑日光赭金鞍斜控銀驄馬西風獵獵雪將飛意中誰是報恩者肝膽何須向人論揮杯彈鋏南城下

王方穀曰寶氣雖夜夜冲斗不遇張雷亦徒然耳黃叔威曰豪氣雄心特地軒露郭通泉寶劍篇尚

覺遜其駿邁

題友人墨竹

許生磊落多英特興到狂呼潑墨汁巧奪瀟湘倒影
來淋漓元氣毫端集排石穿雲勢傾側亂葉淒淒神
鬼泣勁節離披猶倔強森然老幹如山立聲吼九天
雷雨寒枝橫千尺龍蛇蟄鶻落兔起不可狀滿堂蒼
翠風習習伶倫已往嶰谷空對此令人空於邑知君
素重歲寒姿好把畫圖深處襲

黃叔威曰老杜黑入太陰雷雨垂句似之

行路難

戊午仲夏

嗚呼噫嘻行路難哉行人惆悵而心哀鴻濛剖闢東

南摧箐篁叢谷何年開層巒爭地壘蒼翠狂泉奔壑
聲如雷陰岑蔽虧絕牛斗胡爲乎躡空攀險往來哉
越地初盡吳山逼環折渾茫盡澤國黃河東注縱橫
奔千尺長堤爲拆副江淮南北化爲魚鬼哭神號天
闇黑行人五月涉炎鄉流金爍石汗浹裳萬里突無
煙安覓糧與漿揮塵清涼尚不可何況踉蹌策蹇大
道傍日中一震雷聲吼雲暗天沉昏白晝掣電翻風
砂蔽天覆海傾江人皆仆旱魃久虐下土嗟淫潦綿
連又爲咎此地蒼生困莫蘇行人寧惜沾襟袖遠奔

茅舍氣喘噓兒枝對竈燎衣裯臥見殘雲掩靄月隱
星疎又聞蟲聲蛙鼓喧淤渠嗚呼行路難不如早廻
車君不見翟公客召平瓜貴賤今昔何所如死生艱
險苦相報相逢不如相見初丈夫志業不早就何事
侯門更曳裾又不見九關虎豹虓且噬浮雲蔽日孰
爲祛巫咸上天臯陶遠食玉炊桂不可居嗚呼行路
難不如早廻車此道今古同歎歎

王方穀曰苦調淒風雄聲壯氣直與太白蜀道爭
勝毫釐之間吳道子嘉陵之筆也敬服敬服

黃叔威曰才情橫騖迅氣無前鼉嘯龍起挾風雨
而上騰想見不可一世之槩

海門行

南。溟。毒。沫。驅。潛。鱷。跳。浪。揚。鬣。霾。漠。漠。夜。半。星。飛。白。羽。
來。腥。風。吹。斷。海。門。鑰。海。門。巖。邑。小。如。罍。枕。山。砥。澗。六。
鼇。擎。五。千。犀。鎧。濯。龍。鱗。期。門。萬。騎。簇。饒。鉦。誰。柄。長。竿。
驚。一。蹶。鉤。沉。餌。冷。逐。波。月。天。塹。不。戒。突。艤。艤。孤。壁。烟。
寒。炊。鼠。骨。太。陰。壓。城。營。頭。流。殘。角。無。聲。聽。泣。鴝。將。軍。
碧。血。淬。吳。鉤。饑。烏。日。晏。棲。骷。髏。秋。老。重。泉。氣。未。飭。靈。

旗。僂。僂。長。蛇。腹。魂。招。不。來。馬。革。枯。酸。心。北。向。啾。啾。哭。
得。一。道。人。曰。慘。淡。經。營。應。知。鬼。爲。夜。哭。

王方穀曰前有李長吉鴈門太守行後有徐文長
陰風吹火篇

西婦行

南。天。露。布。降。封。豕。西。來。虎。旅。櫜。弓。徙。旄。頭。夜。挾。女。人。
星。馬。上。胭。脂。沉。不。起。可。憐。雲。散。櫻。唇。紫。泣。向。酸。風。冷。
秋。水。紅。葉。萬。山。鴈。影。斜。傷。心。難。寄。望。鄉。字。營。門。月。落。
理。散。鬟。馬。嘶。殘。夢。淚。潛。潛。

石王

有道邊臣武不教妾度鴈門關

陳世承曰鬼妾與鬼馬色悲充爾娛讀此詩倍懷
斯語

王方穀曰七言長篇又多作昌谷之調天池生瞠
乎後矣

李亦庵曰此等七言古皆雄健可歌雖未免有大
江東氣然寧爲孫伯符不爲劉景升

贈朱雪崖

已未夏作

壺公環巖擁黛摩青天璿官貝闕含雲烟吞吐日月

不可狀下控穀城仙掌相鉤連山川精爽靈奇毓冰
雪聰明才炙轂君謨起草挾銀鉤夾漈藏書羅玉軸
天人三策對彤墀萬斛泉源湧地奇繡勒走雷櫻笋
宴新詩歸唱木蘭陂愧余總角承傾蓋潦倒籬藩看
鳳翽高齋風雨憶論文陶冶良工心力大京華五載
困緇塵鱸膾秋風喜奉親千里故人明月夜雙魚猶
寄鯉湖濱氛霾翳空寒氣颼蜃妖封豕爭狂獮海上
孤存管幼安池頭飲泣王摩詰

師電掃走長鯨看君墨綬出承明英風昔日推文季

治行今應數仲卿千乘名邦田氏邑雉馴時向花間
立絃歌百里簿書閑興到霞箋翻墨汁我聞秦岱千
霄十八盤羣峯東海列巔岼移君如椽之綵筆題向
瑯琊不注之層巒

翻經丙夜寒輜軒採取入長安循聲此日光齊乘珥
筆行看侍

吳菽原扇頭賈生畫菊竹二種索題

洛陽才子真無匹爲君寫此凌霜質數枝勁幹影飄

蕭兩朶寒英香凜颼。想其興酣落筆時。儼負高士方
隱逸。願君保此歲寒姿。什襲行裝莫蕭瑟。

題寧海將軍仙霞奪隘圖

己未秋孟

秋河炯炯光太白。弧矢搖芒牛女逼。商飈一夕掃東
南。浙水閩山裂地脉。閩山萬仞鬱嵒嶢。夾道松杉障
赤霄。倚窟簪篁狐兔狡。負嵎巖谷虎狼驕。將軍握筭
仗旄纛。飛矢聊城驅部曲。蛇矛淬鏑凜嚴霜。龍劍瑩
膏切寒玉。殺氣憑凌關。晝昏遊魚釜。底蕩精魂。蓐馬
孤軍趨劍閣。椎牛三鼓奪崑崙。披崖歷嶂芟荆棘。山

力

川草木皆生色壺漿父老擁軍門稽首生全歌

黃叔威曰清麗不減王子安

題寧海將軍背水鑒兵圖

霜月清寒風鳴弧挽天狼初閉精南溟浪煽長鯨鳴
張。髻。鼓。鬣。吹。毒。沫。莆。陽。席。卷。下。巖。城。巖。城。白。羽。來。軍。
幕。元。戎。夜。半。傳。金。柝。組。練。三。千。飛。渡。江。破。浪。揚。帆。風。
捲。籊。昔。日。維。水。兵。傳。餐。拔。趙。營。雄。帥。挾。勝。勢。度。險。始。
輕。生。將。軍。勝。筭。在。掌。握。龍。旗。三。彪。撼。山。岳。星。奔。月。滿。

簇雕弓電掣雷轟催盡角奪槩擒生戰氣謹紅冰一
片鐵衣寒管頭壓敵鼓聲殘空山白骨陰漫漫鼓聲
初罷凱聲奏將軍駐騎心如疾海濱赤子盡吾民作
偏伊誰今逋寇何當溟渤不揚波尺土蒼生盡仁壽
黃叔威曰咏戰處如見屋瓦皆飛虎豹股慄之狀
由其氣勢勝也

吳都統招郊外釣魚阻雨走筆寄覺道弘

元戎折柬驚且喜綸靜餌香堪角技薄暮黃雲光映
天夜半飛廉撼江水長空漠漠煙雨昏鱸鯉鱗鱗沉

子。

不起燕山太史擅風流。試問今朝興何似。共遣奚童作報章。且待來朝風日美。便當破浪捉長竿。一釣六鼇獻。

贈祥符令毛鶴舫

庚申孟春

聖朝有道崇文日。嚴陵特挺神仙質。漢庭風雅舊傳家。脫穎新鋌光氣溢。銀鉤起草擅千言。玉軸旁搜羅萬帙。天人有策對彤墀。峽浪泉源湧地奇。陶冶後生神力富。飛騰前輩匠心知。螭頭珥筆君餘事。明刑暫

試鄴中理判出爭看父老傳賦成知貴洛陽紙天教
文彩遍遐荒行部褰帷度貴陽驥足秦關初輟駕銅
符竹馬復驅梁梁園汴邑舊京華烟火桑麻簇萬家
鶴舞月明依隴麥雉眠春暖傍庭花花封名姓書楓
殿入對金華衆所羨君同嚴助厭承明民瘼關心歸
乘傳早療頻仍衆志驚開倉汲黯最辛勞却緣秩最
分宮幣何事詩成奪錦袍君不見東京循吏多奇績
賜爵賜金光簡冊宣室今方待論思蘭臺栢省虛前
席我欣御李挹清光貽贈琳琅尊拱璧報君巴里附

風謠拭目王喬飛錦舄

得一道人曰應酬之作秀潔不塵

建寧謝節婦

驂鸞渡口西風咽。烏臺寶樹當堦折。清溪難浣錦圍愁。彤管偏銘芳佩烈。龍旂昔下冶城東。峴岡炎焰殷天紅。雙棲義鵠忽驚分。雌鳴啞亞悲其雄。翼碎巢空復何有。孤雛更入虞羅手。腸斷何當從藁砧。堂有慈姑未有後。忍淚竭將潄灑供兒存。廿旨歲時同天憐。伯道遺孤聚婦職。還兼頌母功。母功舊事垂青史。畫

荻和丸今並美秋月機寒命篝燈春花淚冷甘捐珥
女宗應荷

朝褒况復承家有鳳毛丹山碧水按遺乘誰悉當年節
孝勞

賀兼思自五臺迎婚霸州

燕山秋好月輪開光照深閨玉鏡臺簫史鴈門吹鳳
曲雲中烏鵲架橋來鵲橋霞起天孫渡錦瑟瑤笙前
啓路蓼花深照綵粧明槐影輕移香珮駐香珮氤氳
夾路塵香塵吹作鴈門春蘭燈華燭交秋月爭看仙

郎遠御輪仙郎寶馬青絲絡翟弗香車聯繡幕迎婚
趙女態妖嬈作媵燕姬顏沃若趙女燕姬擁騎迴高
堂雙拜管絃催翡翠屏圍連理樹芙蓉帳舉合歡杯
合歡此日欣偕老長侍高堂期壽考雞鳴戒旦古人
風應識佳兒佳婦道

坐繫西曹爲獄中某額駙題扇

辛酉仲夏

秋河炯炯達晨光貫索星精多耀芒何處驚鳥引人
怨誰家怨調斷人腸翩翩禁籞佳公子累葉金貂傾
戚里沁水田園不讓人饌玉鳴金沸如市貴主蒼頭

氣自高擢。捕肯數五陵豪。錐刀釀起丘山釁。對簿株
連。困棘曹棘。曹何處最傷情。斗轉更深。百恨生孤枕。
淒風傳夜柝。短牆疎雨度流螢。依稀入夢。盡堂宴熊
掌。猩唇羅上膳。涼州舊拍按紅牙。大宛新驄披錦韉。
夢回漏急。月黃昏。魂斷無言。淚暗吞。積燬當年追往
咎。羈延此日識。

本自深如海。刑章不爲私親改。試閱艱辛悔禍深。議
貴議親常典在。君不見季布身嬰三木傷。絳侯坐繫

困銀鐙君慎加餐莫自戕卽日金雞催放赦戟門歸
慶萬年觴

得一道人曰身處其地故寫景親切乃爾較之前人
被繫諸作何其豪宕多風也

心月上人有收骨之行歌以贈之

壬戌季夏

杜陵老子發狂吟赤腳踏冰爲苦熱上人功從累劫
修跣足三冬衝朔雪當年太史邑婁北間關相從心
獨切何必道高龍虎馴義重人天嘆奇絕只今結構
小禪扉寒暑惟憑破衲衣鐘鼓六時開寶地施漿行

判

道已忘饑更念荒郊旅魂泣思廣
埋齒德儒釋雖分事亦同有志須成在願力幽明度
盡笑顏開此心便爲極樂國

得一道人曰至理名言掃盡一切福田報應之陋

題戴雙城先生扇頭墨竹

庚午季夏

六月邊城也苦熱茅齋容膝如陶穴
霖霖未解滌炎氛蒸鬱徒增蠅與蟻
揮塵徒勞把戶扇北窓一枕夢
還醒手捉床頭披素箴滿堂空翠
風泠泠却憶吾友許生工畫竹
潑墨酣歌興相續雞黍堂前三百
竿醉

後科頭敲綠玉可憐遷客久離鄉不見此君已十霜
誰道歲寒君子樹也怯風沙朔漠場邊人未識凌雲
槩寸管殘枝稱我愛豈知勁節摩蒼穹凡卉寧容相
匹配此畫面目未必真咫尺却具千尋身昂霄聳壑
無邊際鵬落兔起如有神細葉輕條相映帶恍惚鸞
棲疑鳳翽參差歷落勢縱橫點綴文章碧天外世人
盡愛桃李姿誰知瀟灑有神奇眼前紛紛食肉者請
出先生袖中以示之

得一道人曰隨手揮灑中氣骨岸然與尋常題畫者

迴別

題戴文開扇頭山水

今年不減去年熱。誰道遼天積冰雪。沉李浮瓜正此時。邊城那得來充咽。斗室炎蒸汗浹裳。展盡清風起座傍。遠峯蒼翠疑欲滴。近村雜樹莽蒼蒼。岡巒起伏如坐臥。殷殷輕雷山下過。白雲明滅有無中。茅屋人家三兩箇。側思此際有幽人。策杖探泉曲澗濱。日空一切都忘象。兩耳不受人間塵。却憶當途冠蓋客。觸暑驅炎馳廣陌。折腰俯首氣不伸。滿前荊棘徒盤擗。

松鶴山房詩集

卷之二 七言古詩十三

老我支離牛馬軀。高隱天民容許俱。閉門却喜疎人事。百城坐擁未羈孤。草堂右轉吾西塾。揮汗諸生勤往復。午夢書聲入耳清。絳帷何必羅絲竹。吁嗟乎戴天履地。

明。恩有恨孤臣。未敢論何年得遂鄉關願。暑雨揮鋤種小園。

得一道人曰。寫景入微。然無後一段寄慨。反覺其板矣。

又

六月炎蒸晝正長。萬山雜樹莽蒼蒼。飛泉雨過添新溜。古道雲來入杳茫。妙手騷人移地軸。數筆丹青歸尺幅。展玩高齋氣蕭爽。依稀丘壑在心目。山巔誰搆百尺樓。高士相對樓上頭。興闌日落千巖暝。談久風生萬樹秋。想其神酣初落筆。解衣磅礴閑且逸。彷彿置身萬仞岡。俯視一切目無匹。羈人坐臥斗室中。煩瞽更苦青蠅攻。安得攀蘿捫石壁。躡空長嘯凌清風。却嘆巫閭近咫尺。千山崖洞仙靈跡。支離十載馬牛身。仰天翹首望空碧。故園松菊未全荒。烏峯草閣遙

相望何年竹杖芒鞋願五岳探窮返舊鄉
得一道人曰山水人物近景遠景目前日後近情遠
情信手揮洒而來按之井井

山海關圖題扇

雄關萬仞鬱嵒嶢龍蟠虎峙摩青霄巉巖北枕廬龍
塞澎湃南吞大海潮却嘆秦皇勞板築中山勝國移
坤軸

萬里一車書昔日烽烟今甸服東道輪蹄入

星軺行賈路相望獨憐遷謫離鄉客回首雲山萬里

長雲山萬里難回首。讀罷離騷唯對酒。何堪尺幅寫
爲圖。觸緒羈人心。欲剖當年精衛苦。無功木石依然
巨浸中。連檣萬舸。漁家輩寧當破浪逐長風。禹跡從
來先碣石。僅博空名陵谷易。千尋砥柱有沉淪。何況
男兒軀七尺。吁嗟乎男兒胡不乘時建節仗龍旌。便
爲

丁

作長城。俯仰關河感。今昔蹉跎。日月壯心驚。

得一道人曰。雄心浩氣吞碣石。而吸滄溟。借題發
洩磊落頓挫淋漓慷慨。誰能窺其涯涘。

題戴文開扇頭畫

十日一水五日石古人能事不受迫阿誰妙手握烟
雲淋漓墨汁任狼籍安道昔侍蓬萊宮承

思

搖筆氣如虹自是留中富丘壑隨地揮洒奪天工諸
生果否知盡趣各向家中覓絹素乞得滿疎數筆歸
驚喜從余來索句知君興過顧長康那堪我作陳思
王邇來衰老詩腸澀七步吟成十數行何日與君歸
隱閩山下萬樹松杉來繞舍酒酣潑墨作長歌萬斛
飛泉向空瀉於戲噫嘻促膝高樓誰氏子不留名姓

在人耳冷看人世如奕。棊長嘯臨風誦秋水。如我與君齷齪利名中。迴首此君嗟晚矣。

得一道人曰超脫入化。可作長安諸公當頭一棒覺前題山海圖猶在邯鄲夢中也。

辛未初夏同戴文開楊玉符二先生及從遊諸子南郊射飲醉歌

邊城四月接春光。漠漠輕陰晝正長。細草叢中舒蝶粉。綠楊深處轉鶯簧。鶯簧睨睨初成語。似喚遊人覓遊侶。投荒野老不知愁。逐隊賓朋來遠墅。安道當年

品最高。關西夫子亦人豪。諸英問字能攜酒。童冠春
風屬爾曹。平疇繡錯遠山橫。遼水東來照影清。萬樹
山花難辨種。一林啼鳥不知名。花香鳥韻堪留客。遍
地綠茵重布席。分棚角射氣爭雄。興到狂呼浮大白。
須臾上客玉山頽。屢舞僊僊亦壯哉。我謂二公乘興
莫虺隤。青蓮昔日玻璃杯。移向夜郎酌濁醅。
一思深。漢文帝賈生宣室亦歸來。吾徒方寸但當對天
地。支離潦倒莫疑猜。兔網難羅安足恤。不能鬼域首
鼠。朶頤搖尾令人哀。二公賈勇傾餘瀝。踟躕歸騎日

之夕楊柳風來送馬蹄一聲長嘯遶天碧

得一道人曰寫景淡雅入情則磊落豪邁結句縹緲
幾于江上峯青矣較之少陵漢陂未知軒輊

彭海客曰渾浩流轉而無怒張之跡

徐周臣以琴見贈歌以謝之

羲皇握籙協乾精斲桐宣籟通神明薰絃譜後增文
武還眞理性元化并從此仙靈授聖哲成連牙曠稱
奇絕騷人清賞衍新聲烈士孤懷寄幽咽龜山空怨
斧柯難五夜霜飛逐客寒嶧陽天骨徒供爨莫向悲

風奏猗蘭憶昔妖蘿翳南渤海國孤蹤傷白髮鴈足
書迷薊闕雲冰心淚洒閩江月新安吳叟含天真授
我朱絲寧我神悲歌墨子嗟同調廣陵中散多酸辛
地軸初迴天步窄置罩脫兔雉偏獲神愚不識捕蟬
心鬼禍幾同投宿客落拓邊城走馬牛不聞革子奏
離憂長憶歸風懷送遠何當促柱寫新愁淮海翩翩
徐孝穆麗藻羣推齊二陸貌癯心古神仙姿氣比春
蘭韻秋菊邂逅相逢秋正高聆音不必盡吾曹正襟
拂軫羣鶯靜萬仞松風漾素濤從容縱手舒還急百

川東注龍蛇。蟄夜闌。明月正當窓。四座歛容風習習。
鼓宮應徵調。仍揚冠裳佩玉聲。琅琅朱幢羽蓋瑤池。
會春曉。千官覲帝闈。忽然促節音如縷。瑣窓兒女相。
爾汝如慕如訴。語偏長。鶴怨猿啼。秋夜雨。轉調一抹。
聲劃然。層崖落石。欲驚天。數點餘聲將住。拍空山靜。
夜聽流泉。八載羈棲。困煩霧。忽入鈞天。疑曉夢何當。
倉卒唱驪歌。移情恍惚蓬萊洞。從來風雅擅河間。鍾。
期應爲奏高山。綠綺贈來千里外。東陽舊業喜猶還。
操縵未能愧自譽。久滯拘幽誰共語。臨池學步奏清。

商潛蛟風雨欲飛去

得一道人曰前半借琴自寫可謂信手拈來條條是道後摹寫琴音較之聽穎上人作爲獨絕可無琵琶之疑矣精于此道者自辨之

彭海客曰有清明之氣條貫其中故自不厭其多

題吳門徐生望紅集戲學盧李體

靈威赤文天欲揭闔廬將向姑胥洩東海徐生採藥還騷人肩戶傳丹訣聲牙自喜思渺茫汪洋禦寇詭蒙莊手挽吳江濯肺腸科頭箕踞袒無裳白眼問天

天。湊。沆。紅。塵。塊。圯。三。千。丈。家。家。吹。怪。困。愁。城。捕。蟬。一。
葉。聊。自。障。吁。嗟。乎。君。不。見。館。娃。本。是。苧。蘿。裝。捧。心。自。
照。越。溪。傍。顰。齒。折。腰。宮。婢。笑。強。施。脂。粉。待。君。王。
得。一。道。人。曰。溫。李。錯。采。鏤。金。終。少。風。韻。此。結。較。多。逸。
致。

題金文瀾谷岳修果圖

壬申仲冬

碧海扶桑玉露泣。幾度蓬萊水深淺。金支翠蓋亘靈
驅。雙成萼綠侍雕輿。琪樹花明春滿洞。紫霞煜煜護
丹棟。羣真縹緲駕雲輶。騰踏蒼螭驂紫鳳。雲璈妙拍

奏春波玉液光浮金。亘羅懸黎床。進嶠蠟棗發日香。
浮十丈。荷桃熟。龍沙期八百。赤文綠字銘金冊。壺中
日月不知年。悟徹功圓共此席。天風環珮玉音來。瓊
宮寶鑰。砉然開霓旌。絳節遙相待。誰覓靈槎歸去來。
得一道人曰。似个中人語。

題鐵式之書室

畫堂西作讀書屋。雕文刻縷施朱緣。屏開雲母水晶
瑩。帳繞流蘇花氣馥。花氣爐香入夢清。坐臥居然擁
百城。靜取絲桐當膝撫。倦攜詩卷繞花行。詩律琴聲

堪自適。寸陰須惜。莫輕擲。論史應窮百代源。談經定
抗前人席。不然吾曹一蠹。天地間。坐銷歲月。老容顏。
浮雲顯晦。何足論。儒生大業在名山。

得一道人曰。隨手跌宕。自有不可一世之槩。

金若干爲式之。以楮作書函。貼壁間。屬予題句。
讀書莫向空言索。須識此中有真味。世人潦倒行墨
間。不如卷束高閣置。吾友金子玩世情。却于尺幅製
作書函形。空函結束不作字。一畫未開萬象成。爾曹
識得書言不盡意。千軸萬卷糟粕矣。四時風月盡無

松鶴山房詩集卷之
邊當堦細草自交翠

得一道人曰撒米成珠遊戲神通何所不可

題壁間楮作秋桐葉

洞庭昨夜秋風起一葉隨風千萬里
騷人拾取寫秋懷秋聲應滿秋江水

得一道人曰楓落吳江正不在多

松鶴老人曰爾時設絳談經諸子在三之訟甚篤
難中殊不寂寞曾幾何時而式之列名南宮翺
翔木天比余入都而式之旋赴玉樓空齋且再

易姓矣回首可勝潸然

壽徐元賓

遼海青營地陪京箕尾分當年占王氣此日聚星文
土氣當年鍾

土

龍樓鳳閣連雲起地靈獻瑞挺豪英明良草昧經綸
始管籥皆依日月光攀龍附鳳盡侯王列鼎鳴鐘喧
鶴市金貂劍佩簇鵷行鴈行聯騎入燕畿豐沛南陽
冠蓋稀三垣列宿辰居共客星偏向

卿

飛

卿

此日多遷容。遭際風雲異。疇昔共憐賈。傅竄長沙又。
見夜郎來。李白謫宦紛紛一載中。蘭臺郎署盡人雄。
共說棠陰遍南國。那堪元老亦居東。南州高士何爲者。
仗義相從來塞下。筆聳秦關氣激昂。孟。孟。吞。漢。月。曾。
瀟。瀟。灑。秋。色。月。明。遼。野。渡。石。麟。天。上。欣。初。度。欲。挹。瓊。漿。
作。壽。觴。濁。醪。邊。市。寧。堪。酤。我。聞。長。白。山。巔。萬。仞。潭。飛。
流。噴。瀑。大。江。三。恨。不。移。來。作。酒。泉。盡。澆。塊。壘。日。沉。酣。
山。麓。有。一。德。林。石。玲。瓏。空。洞。三。千。尺。移。作。巨。觴。盡。一。
舉。便。醉。三。萬。六。千。日。落。拓。不。能。爲。君。壽。一。卮。空。言。諧。

謠徒爾爲此地山川信多奇兩京有賦君草之君不見
見鉞母潭馬退山柳州遺草重人寰又不見青陽峽
木皮嶺杜陵詩史闢幽境丈夫時命不列青瑣班綵
筆長懸天地間山靈倘亦待我輩人地相遭非等閑
袞衣承

自東還長嘯相將入玉關持君詞賦獻
應知有喜動

得一道人曰何等自命何等曾襟縱筆揮洒磊落雄

邁掃盡一切窮愁潦倒搔首問天酸態一代人豪
非過許也

體元以扇頭蘆鴈索題因憶兩弟感賦
鵲。鵲。原。上。西。風。急。風。吹。蘆。葉。何。蕭。瑟。萬。里。長。天。字。一。
行。參。差。吹。向。蘆。中。立。小。洲。水。草。碧。連。天。下。下。高。高。盡。
萊。田。處。處。稻。梁。謀。自。好。家。家。棲。息。共。安。然。獨。憐。隻。羽。
驚。雲。路。上。苑。書。來。君。不。顧。毛。摧。翅。禿。入。虞。羅。淒。涼。回。
首。雲。山。暮。雲。山。月。落。夢。衡。陽。分。明。儔。侶。傍。瀟。湘。誰。家。
聚。首。多。兄。弟。掩。袂。吟。吾。蘆。鴈。行。

得一道人曰感慨淋漓淒其欲絕矣以此位置棠棣
角弓間未知誰能使人下淚最多也

題吳道人扇頭畫菊

癸酉季秋

延陵道者多奇訣。潑墨寫此凌霜傑。傲骨不隨秋草
萎。寒香卓與羣芳絕。寫成起舞影婆娑。琪花瑤草復
如何。道心清迥聊爾爾。屬我揮毫作浩歌。我謂道人
神自曠。却向此間留。色相倘是爲余戲。寫真二十年
來。倔強狀李太白。吟桃自紅妖艷都。憑造化功。偷得
春光爭媚好。西風苦戰有誰同。松栢從來號歲寒。又

聞君子比琅玕。東籬高致君知否。不是騷人未許餐。
近喜從君聞大道。含英葆華方是寶。那爲題畫去尋
詩。得醉花前便道好。

得一道人曰。此等題若無此等氣槩。便可不作語語
本色。所以爲佳。

甲戌夏定侯以扇頭畫屬題感賦

遼山蒼蒼遼水長。山花雜樹擁奇芳。文禽翠羽不知
數。頡頏下上自迴翔。妙手騷人工寫物。墨池飛洒枝
頭綠。衆香深處暫停棲。似貌新鶯初出谷。我聞丹丘

有鳳凰。居梧食竹。鳴高岡。此日來儀。應獻瑞。胡乃戢羽。自潛藏。又聞鵬飛。自北極。扶搖。便作垂天翼。天路迢迢。豈可窮。雄心猶寄六月息。天生神物。固有時。非時。隨遇亦安之。鴻鵠四海。竟何歸。莫嗤斥鷃。依藩籬。吁嗟乎。世路嶽崎。多網羅。勿誇羽翮。任婆婆。願向故園枝上宿。隨時飲啄。樂如何。

得一道人曰。隨事寄慨。皆有磊落不羣之概。莫作題畫詩。草草讀去。

汎小舟渡遼水。過劉叟居處。歌以壯之。

買車將踏長安路。停驂夜宿遼河渡。故人劉叟指余言。水外蒼茫我居處。沙明漲退蓼花秋。村酒酤來架小舟。整整斜斜看過鴈。三三五五逐輕鷗。鷺鷥避人向何許。溯流曲折趨前浦。草深湍急舟不前。攀荻牽葦代雙櫓。今歲禾淹蟹却肥。居人結穗傍漁磯。岸傍得酒持螯飲。入市傾筐換米歸。此地從來魚蟹鄉。捉蟹驚魚入小航。漫向孟津誇聖瑞。且供村老佐壺觴。觴傾望見劉居所。秋水連天中一嫗。廿里不聞人語聲。時有漁船自來去。須臾小犬吠葦叢。數椽茅屋夕

陽中亂木支撐勢傾側。穿雲漏日迎秋風。劉叟喧呼
有客至。炊梁煮蟹無兼味。酒酣耳熱口懸河。嗚咽爲
余陳往事。當年

車

向東來。牙樯朱纜錦帆開。廻

肥

舟藏北岸。荒亭廢閣生莓苔。痛余往日逢饑歲。丐米

官倉。遭吏恚炎天。荷校更加箠。負痛被驅來守視。四
望無烟荆棘高。孤洲夜靜有狼嗥。携妻挾被神偏爽。
敲火蒸糜氣更豪。暑月蚊虻偏作惡。迎頭刺面皆鉞
鏑。夜來風雨漲浮天。急起又防船漂落。秋往冬來朔

松鶴山房詩集

卷之二十七言古二十五

雪飄行人捨渡問浮橋。門前車馬知何事。差與村翁
慰寂寥。潦倒年來生計熟。馬健羊肥不用穀。雞豚隨
地噉。生芻更養鵝兒如錦簇。迴首當年恨正長。一絲
呼吸斃桁楊。識得死生天意定。寧知人事有滄桑。滅
門威福成何用。丹旆素車徒一夢。父老何人奠勺漿。
河干翁嫗聊相送。我聞此語意悄然。謂劉往事莫拳
拳。人生飲啄皆前定。倘是河濱有宿緣。太息徘徊日
已夕。遠村斜月催歸客。踈星數點傍舟還。獨鶴一聲
遶水碧。

得一道人曰此事傳之筆墨大可爲貪酷吏之戒寫
景處確是詩中畫非名手恐畫不出末幅開戶視
之不見其處不過爾爾

江上女郎歌題畫

乙亥夏仲

江上芙蓉艷欲浮。閨人倦繡且行遊。青鬟聊試桃葉
渡。女郎仍上木蘭舟。木蘭舟上弄輕楫。浪花輕舞如
飛雪。雲影天光一鏡收。低頭顧影轉愁絕。兒時插柳
已成圍。年年桃李鬪芳菲。波間兩兩魚兒戲。洲上雙
雙燕子飛。燕去鴈來朝復暮。踟躕忍把年華度。漫題

紅葉寄深心。一葉隨風不知處。晚風斜照。曲江頭隱隱。雲間月半鉤。採得好花聊一笑。清歌一曲自悠悠。得一道人曰。無聊自傷。宛轉自慰。怨而不怒。其三百篇之遺乎。

題扇頭兩美人

長夏風微。蕉正綠。大地芳菲如錦簇。畫欄深處。珮環聲膩。粉輕脂香。馥馥步搖。七寶擁盤龍。翠袂紅綃。穩稱曾共擬。連城雙拱壁。更驚出水兩芙蓉。當年一顧。曾傾國。金閨春去。無消息。回首何堪休。細論相憐相。

視應相得款步庭前笑語和桐陰深處漫婆婆拈花
微笑誰知否脉脉關情歛翠蛾誰道蛾眉不讓人祇
緣形穢自生嗔試看兩美真相合解珮投珠莫厭頻
得一道人曰脂粉中有此識見羞殺天下媚嫉鬚眉
矣快論

題扇頭畫

朱夏薰風畫正長松花滿徑一林香從容杖屨何方
客兀坐莓苔對夕陽夕陽遠水連天淨沙鷗漠漠自
相映靜對忘言已息機世人莫許通名姓姓名一自

落。簾。塵。難。問。山。巔。與。水。濱。桂。伐。膏。煎。徒。自。取。那。得。桃。
源。再。問。津。君。不。見。廟。中。犧。絡。頭。朱。纒。飾。金。羈。又。不。見。
太。卜。龜。荆。墨。何。如。尾。曳。泥。世。途。榮。辱。誰。能。定。得。失。紛。
紜。何。日。竟。不。如。屏。息。守。吾。真。百。體。悉。聽。天。君。令。吁。嗟。
乎。滿。前。生。意。任。婆。娑。閑。來。且。酌。金。叵。羅。目。送。歸。鴉。到。
空。碧。拂。袖。凌。風。一。浩。歌。

得一道人曰題畫不可無此撇脫之作覺摹少陵者
猶下乘也

代壽輔國公太妃

丁丑夏仲

瑤池紫氣接銀河。錦悅欣懸樂事多。青鳥飛來傳玉
郎。鸞笙須譜九如歌。歌成好授蓬壺客。萼綠麻姑齊
按拍。甫見東山頌袞衣。采繁又咏關雎德。關雎餘慶
衍螽斯。繞膝慙連玉樹枝。學語聊隨萊舞後。含飴歡
笑萬年期。

得一道人曰秀潔不塵

題扇頭美人

薰風五月北窓涼。絲柳垂垂覆淺塘。飛去飛來雙燕
子。相偎相倚兩鴛鴦。午倦佳人初睡熟。何處蕭蕭南

岸竹徒倚推窗隔檻窺萬樹參差敲綠玉款步庭前
却復移折花臨水暗驚疑鬢亂釵橫頻整理个中女
伴未應知知心聊向琴心寄一曲秋鴻如有憶輕烟
裊裊博山寒花前織得璿璣字璿璣字少意偏長悠
悠歲月減容光珍重雙魚吹浪去緘將錦字獻君王
得一道人曰借畫傳情忠厚之旨可挹

題洞天春曉圖

春山春樹鬱葱葱萬仞松濤挾曉風怪石嵯峨橫古
道遠峯明滅碧烟中烟水冥濛同一色飛泉界道流

何急行蹤杳絕石梁通。穿雲插岫如長虹。虹梁兮作
渡。洞天曉兮無朝暮。長嘯兮水聲中。抱膝兮雲深處。
胡不驂鸞兮赤城。胡不躡飛龍兮玉京。不矜絳節與
霓旌。含真葆和宅太清。清吾神兮滌吾腑。漱瑤英兮
餐玉乳。花滿洞兮長春薜荔垂。兮猿鶴舞。猿鶴舞兮
歲月長。玉籍書名兮達帝閭。帝心愉兮曰。予其汝貺。
錫千齡兮樂未央。

得一道人曰非門外漢所能道

題宗室輔國公奉天官民送別圖

戊寅夏仲

端陽月涉遼河渡買車將問長安路忽聞

語

召將軍舉國悲如戀父母旬有一日整行裝都人設

帳大道傍冠蓋兜鍪紛雜還疲瘡穉叟盡倉皇留守
年來多文武今朝一事足千古何修能使衆心同下
車竊聽輿人語瓊筵四座諸曹卿主持國是有公評
時清將帥無奇績寬和廉靜卽長城我公盛德不可
數恩威務令歸

主

執法如山不肯私虛公衆論兼採取臥治陪京十一
年治大真如烹小鮮吾曹久煦春風德此別何堪意

惻然夾道偏裨環立馬謂公此日何爲者賞罰從來
秉至公事權小大無寬假爲國憐才意獨過因人器
使不煩苛駑駘不任天閑選母乃吾輩累公多荷戈
甲士更淒然我等戴公如戴天兩度北征甘苦共臨
戎帥士獨居先差役均平無濫使小過示寬而已矣
年來饑饉屢從軍賴公撫我如父子紛紛耆叟豆漿
迎擁道攀轅馬不行共言不覺公尊貴但覺公親繫
我情我遯舊俗本淳樸耕鑿相安少訟獄後乃習僞
長黨凌公來亟欲挽其薄近人平易意謙謙家政森

松鶴山房詩集

卷之二十七 言古三十

如國法嚴令簡刑清化寧一市塵不擾戶安然堯湯
盛世偏旱滂公秉齋虔躬步禱憂

憂民格昊穹萎潤枯回復堅好歲歉封章欲控
司不便故遷延仁人一語真利溥事雖未果願公賢
幸蒙

澤汪濊水運陸輸恩大沛盜息民安雞犬寧生全休
養賴公惠

天子念民依誰爲借寇達

念我命公作父母如何翻令我公歸最憐鵠面鳩形

侶手執瓣香。淚如雨。吾曹誰識王與公。全我餘生。即
吾字乞兒。儉歲那能存。棄捐自分。溝中魂。米價十倍。
不絕食。實賴兵民尚飽溫。此日傾城輟市送。兼來遠
近緇黃衆。緇紳衿士共咨嗟。緇衣袞繡成謳誦。輪蹄
紛籍遯河濱。灑淚慙慙意未伸。更將款曲向公陳。從
公乞得一車茵。城西五里生祠建。供公茵如見公面。
祠下兵民列姓名。紀德無嫌卑與賤。賤子近陪梁苑
客。涓埃何補高深德。幸追馬足聽驪歌。不事張皇唯
紀實。放歌縱筆灑長篇。篇述輿頌遺後賢。瞻禮公祠。

讀此歌甘棠遺愛萬斯年

得一道人曰大僚庶屬行伍者民人各有言言各有
體真樸之意如見信寫生筆也乞兒之論更真更
確地方有司肯念及臨行一段躊躇皆思作龔黃
矣有關世教之篇

題畫漁家樂

洞庭兮秋風北渚兮芙蓉水天兮一碧雲山兮萬重
望美人兮一方願解珮兮焉從獨勞心兮徬徨長太
息兮攻中兩美合兮有期神物隔兮終逢曷駕言兮

出遊縱一輩兮何窮。循澗草兮萋萋。聽流泉兮淙淙。
竿嫋嫋兮投之魚鄰鄰兮奏功。聊假物兮泳游終息。
機兮鴻濛甫望洋兮利涉。既躋岸兮寧蹤。聊繫維兮
柳陰。掛匏樽兮短筇。行負薪兮得火。將膾鯉兮朝饗。
燕燕兮下上。草樹兮豐茸。班荆兮倚石。得侶兮融融。
已耦俱兮何猜。機隱顯兮孰通。陰陽開闔兮有時相。
視莫逆兮化工。江月兮浮白。夕陽兮影紅。長嘯兮籟
寂。放歌兮調終。望遠峯兮極目。任泱泱兮太空。
得一道人曰。寓意超曠。中有精理。近魏晉人之達不。

入宋人之腐由其着想之高運筆之靈故也

題許月溪歲寒書屋

歲紀攝提夏之季。重晤月溪長安市。數椽書屋陋巷中。四壁寒風動地起。峻嶒怪石臥復橫。怒虎奔猊氣未平。激瀑鳴湍瀉空澗。疊冰飛雪日無精。古洞懸崖勢復峭。中有猿啼與鬼嘯。那得春風到此間。造物如何心獨悄。豈知真宰意偏長。數枝瘦影奪春光。枯藤衰草飄蕭際。鐵幹橫斜露暗香。別有凌虛君子節。高標不減菁葱色。敲金戛玉態瀟疎。拂日干雲品自逸。

忽聽濤聲天上來。千巖萬壑殷如雷。鱗張爪攫不可
狀。鯨翻龍變孰能猜。阿誰潑墨傳奇蹟。周郎江左自
人傑。許子欲畱萬古心。興來命寫千秋筆。自言締交
三十年。升沉聚散如雲煙。意中屈指數君子。肝膽鬚
眉借此傳。我只傳心不傳面。披襟斗室遙相見。桃紅
李白豈無芳。蒼涼寒歲知誰健。嗚呼噫嘻我亦圖中
位置客。冰天雪窖凌空碧。九天風雨忽飛來。試作龍
吟君按拍。

得一道人曰。豪宕中有深細處。未許粗心人領略。

爲顧宗伯題畫

雨暗千峯如翠涅。雲吞萬樹半明滅。柴門高閉不聞聲。繞戶飛泉石上咽。此際幽人憩草堂。北窓一枕夢羲黃。肯計昨晴今夜雨。一任山高水自長。

其二

蹇驢日踏春郊路。挈榼提壺無朝暮。興來乘露早尋芳。山月朦朧掛高樹。樹際低牆一帶斜。小橋北渡有人家。滿屋春光藏不住。千枝萬朶映朝霞。霞光煥爛牆東角。急令小奚勤剝啄。看竹無須問主人。尋花須

爾同斟酌主人花底一茅亭三丈日高華戶扇那問
着花門外漢夢繞花魂未肯醒

得一道人曰前首題雨景當爲絕作其二則字字皆
盡字字化境矣

其三

山巖岷兮孤矗樹蚴蟉兮爭簇泉瀾瀾兮遠村石磊
磊兮疊屋柴門晝扃兮不聞聲伊人兮在空谷
得一道人曰卽宛在水中央意也雲林作畫亦爾世

俗所云妄矣

蒙

恭紀

歌有序壬午季冬臣陳夢雷恭

進伏以

廣大勾萌咸荷覆載之仁。

光明幽蛰共仰照臨之德。藿葵志專傾向。竟沐陽和。

犬馬念切依歸。終蒙撫育。敢謂微誠上達。實緣

垂慈。臣夢雷樗櫟菲材。駕臨賤質。謬叨甲第。

簡。逢。瀛。值。邊。海。之。風。塵。宜。捐。糜。其。頂。踵。乃。覆。巢。矢。節。
痛。難。等。于。趙。苞。忍。死。全。親。志。僅。同。于。徐。庶。將。甘。嬰。乎。
斧。鑕。他。生。再。答。
猶。免。竄。于。荒。遐。此。身。得。依。
髮。膚。所。賜。無。非。
之。再。生。方。寸。堪。原。重。沐。
之。三。宥。
東。幸。獲。覲。

西還親承

朝野傳爲盛事。儒紳述爲美談。

宅欣瞻禁城承

隨

邸仰累恩而馭階。幾疑夢陟鈞天。趨

陸而屏營恍訝身登蓬島。恆懼報稱之無狀。忽蒙

渥之渚。加瑤箋。暫啓燦萬頃之煙霞。玉版乍舒。洒九

天之風雨。龍跳虎卧。較戈法而逼真。鳳翥鸞翔。逾弩

張而盡善。筆由中而鋒勁。合柳公權正心之言。墨取

澹而姿清採杜少陵通神之論允六合之鴻寶洵百代之鉅觀臣學愧劍蕉功慙書柿分榮不殊侍從高捧兩袖天香叨

得後公卿遠眺盈門瑞氣

三而逾分報萬一以何能刻骨竭誠猶願抒忠于奕世撫心雪涕聊伸積悃于永言臣曷勝踴躍懼忝之至謹稽首頓首而

歌曰

三才位列顯圖書義畫倉文太古初草隸真行垂八

法鍾王魏晉立權輿

首出鴻濛判三五同符歸一貫
依仁游藝道自兼奎

聯璧合

煥

喜起泰交隆

時頒出禁中共眺雲霞明斗極
羣瞻日月麗蒼穹列

卿蒙

殊遇侍從承

異數葵藿傾心向太陽
小草難言希

邸傳呼

苑回

寶軸燦然開

竟得瞻

幾同捧日來受

疑。復。却。立。疑。夢。疑。真。情。轉。急。謠。觀。厚。地。與。高。天。稽。首。
難。言。惟。感。泣。萬。死。微。臣。只。寸。心。至。仁。三。宥。

林從此
解網還叨侍
深投荒敢冀依

解網還叨侍

林從此

覲咫尺鏤心刻骨期成碧子孫世世仰

犬馬難酬歌

臣夢雷
壬午之歲五歲之女三歲之男相繼以痘

殤傷感成疾蒙

賜飯力疾詣謝

適蒙

垂問

以實

惻念

特書萬樹江邊杏新開一夜風滿園深淺色照在綠

波中二十大字以

時臣已將入城

遣騎追回宣

驚疑如夢中已乃感泣叩頭伏地不能起
入

憐之曰朕活之至此而三矣其感泣宜也

歸宣

伏思不可無詩以

遂勉力爲此書二紙僅畢未及粘連已伏枕不能支
命取視親爲粘綴以

復得

乃遣使護進城命醫視脉且諭之曰雖夜深必啓聞
使回弘雅園夜三鼓

已安寢立命燭視見醫啓帖稱脉已散

一深憂之旦日問者絡繹而

臣夢雷

感激意外之

一且恐以愚賤之軀爲我

一憂也自力起內視還元不數日病愈

一喜見顏色伏惟罪廢小臣尺寸未効乃沐

子非常之恩

賢王眷念之切一至于此雖頂踵捐糜何足言報用是恭紀其實以示子孫俾世世竭犬馬之萬一云爾

臣陳夢雷稽首頓首恭紀

得一道人曰以在位詞臣所不敢望者一旦得之信同于再生矣不事奧援不工逢迎竟若家人父子後世當爲興感况躬受者乎病中之作原非刻意求工實境實情信手寫出尺幅中聲與淚俱誠能格天非虛語也

又曰情文相生處自有老手之妙非容易可到

送蕭道人回吉水

丁亥孟秋

秋滿長安月。正明園中萬樹作秋聲。高人理楫問秋水。動我秋風鱸膾情。鱸膾秋風莫漫說。巢由有命非人傑。老就兒孫未足奇。賣藥當年真妙訣。逸翮不受樊籠羈。和光俯視廟中犧。術挾岐黃轉生死。嘯傲王公任爾爲。非仙非釋非吾道。無榮無辱無煩惱。來不訊。今去不辭。信口機鋒皆絕倒。一局閑中日月長。華胥是處晤羲皇。脫巾倨侮鄴侯第。辟穀時來訂子房。匡廬今踐洪崖約。飄然杖屨遶東鶴。幔亭峯上我歸

時並駕赤城無宿諾

得一道人曰巢由有命此語他人未許道亦未敢道
至爲此道人寫生處真妙手也

顧宗伯有徘徊青史案之句命爲題扇

天。清。地。寧。萬。象。揭。溟。渤。無。波。星。海。洌。莘。野。歸。來。負。鼎。
翁。鷹。揚。請。老。磻。溪。傑。光。芒。上。貫。斗。牛。宮。曾。中。浩。氣。如。
虹。蜺。置。身。直。在。岷。嶺。巔。俯。視。崕。嶺。皆。蟻。垤。靈。威。赤。文。
天。欲。洩。吹。黎。太。乙。傳。真。訣。權。衡。千。古。關。鴻。濛。百。城。坐。
擁。仗。旌。節。有。時。義。憤。觸。真。剛。裂。眚。欲。磔。窮。奇。舌。時。傷。

烈焰崑岡焚。願挽天河潑冰雪。否運憐丁百六辰。思
挽天綱爲再綴。想公拍案咨嗟時。貞魂義魄含幽咽。
披襟擊節高歌處。河嶽英靈皆感悅。嗚呼噫嘻百代
興亡供一瞥。乾坤那得無杌臬。是非不復關榮辱。得
失何須論巧拙。升沉理亂總由天。忠臣孝子留心血。
方寸光明宇宙間。青史由他漫論列。我且爲公歌一
曲。唾壺如意莫教缺。

得一道人曰。推倒一世之智勇。開拓萬古之心胃。才
氣似矣。少此心血。石破天驚霜重鼓寒。奇警則有。

之未堪咀嚼也。若夫掇拾剩粉殘脂，不關痛癢，又
何足數哉？

題挽東甌陳貞女

戊子季夏

薄。俗。鬚。眉。甘。媒。褻。乾。坤。閨。閣。鍾。人。傑。扶。輿。氣。肅。東。甌。
揭。凜。冽。貞。篁。灑。冰。雪。玉。樓。期。促。修。文。訣。鵲。橋。夢。斷。雲。
縞。裂。鏡。裏。孤。鸞。濺。頸。血。倉。皇。骨。肉。悲。留。切。總。帳。秋。風。
泣。幽。咽。縞。練。三。春。同。一。瞥。絕。粒。吞。聲。完。大。節。共。痛。蘭。
摧。欽。玉。潔。日。月。同。光。長。不。滅。女。貞。堪。並。首。陽。烈。
得。一。道。人。曰。柱。促。調。悲。題。挽。閨。貞。宜。此。種。筆。

驥仲以西山遙寄圖索題書以示之。已丑夏仲
丈夫襟懷同天地。萬象包羅入胃次。讀書萬卷遊
須識何爲吾輩事。仰瞻

高巍峨吾

舜如何致。俯視壘壘道傍瘠。納溝自我思撫字。大鵬
六月有息時。顯晦浮沉寧介意。當其兀坐斗室中。六
合八荒實吾寄。陋彼魏晉清談人。徒挹西山之爽氣。
譬若威鳳視虬蜉。大小高卑趣各異。年老不知月露
與風雲。聊書所懷拓爾志。

得一道人曰。唯爵祿不入于心。始說得此翻案文字。
奴顏婢膝者。未許藉口。

宿梁家園讀諸公和坡公戲子由韻學步書懷

呈林鹿原

壬辰孟秋

人生隨地有丹丘。粒可須彌芥可舟。君居高廠俯滄
洲。開窓有石爲點頭。老我平臺十五載。曳裾猶幸少
貽羞。邇來賜宅環水樹。卜居較勝我爲優。彼此過從
皆不惡。得閑便作汗漫遊。老我年來倦詩律。閉關差
得黃中術。餐粟須知淡味長。食蔗到頭甘似蜜。翻雲

覆雨任滄桑。潦倒莫爲權豪屈。奴顏台鼎亦勞勞。探
九閭巷擁麾旄。但當拍掌浮大白。詎因若輩生牢騷。
蠅營狗苟真堪恥。鬼籙寧煩吾折筮。蘇君時在復何
言。牛馬任呼姑唯唯。丈夫志業自千秋。冰山今古能
留幾。吁嗟乎故園何日問歸程。補天浴日不留名。先
憂後樂吾曹事。那計浮雲重與輕。

得一道人曰壯懷磊落不可一世咏懷詩安可無此
氣槩或以少溫柔敦厚爲疑是未讀巷伯之章也

病後讀坡公年譜慰二兒

癸巳孟秋

坡公行年六十三謫居儋耳。儲爲米官。舍不容自築。
室昌化士人助泥水。桄榔樹下笑題詩。幼子扶侍相
慰耳。我賢未必逮坡公。萬斛泉源敢謂同。潦倒依然
侍。

郎兒孫遶膝樂無窮。城內聚居有華屋。郭外別業丘
壑中。今歲麥多十數斛。更饒蜀黍豐嘉穀。雞豚喧突
聒人耳。野鷺鵝兒如錦簇。農家風味果堪誇。老饕不
用嗟枵腹。趙壹囊空何必憂。幸無酒債未曾酬。僕人
不耐寂寞者。願贖隨之任去留。老人異膳况病後。且

潔飲饌殊常羞天之生我或有意此番不死知之矣
顛倒是非萬卷中千秋公論憑誰寄且養殘軀任運
遊海闊天空何芥蒂

送張慈長南歸

羲皇一畫開先天。倉聖鴻濛鳥跡傳。九章作繪勳華
先。傳巖入夢肖形焉。麟閣雲臺將相翩。長康阿堵得
神全。後來曹霸差比肩。君家僧繇踞其巔。點睛飛龍
出九淵。君繩家學藝更專。杖履長安似偃佺。王公倒
屣加敬虔。投編贈紵車騎聯。於戲噫嘻丈夫七尺自
巍然。何不圖形掛凌烟。強將面目比嬋娟。塗脂抹粉
巧人憐。豈真癡骨待皮妍。能使尋常行路便英賢。不
然胡爲屢滿戶限穿。君家玉樹拂雲邊。一日千里待

騰。審。不。爲。豪。家。寫。風。鳶。却。與。老。醜。偏。作。緣。畫。我。松。下。
揮。七。絃。泠。泠。三。峽。聽。流。泉。我。居。水。村。遠。市。塵。擬。君。喬。
梓。長。周。旋。曲。水。流。觴。醉。後。眠。君。忽。望。雲。歸。思。牽。便。欲。
促。裝。問。鱸。蓴。我。得。隨。君。甘。執。鞭。樊。籠。羈。困。徒。悵。悵。君。
歸。龍。灘。好。扣。舷。名。流。投。贈。詩。百。篇。携。祝。萱。花。千。萬。年。
萊。衣。遶。膝。共。翩。躚。不。須。更。羨。地。行。仙。請。君。揮。翰。染。雲。
箋。便。寫。華。堂。慶。壽。筵。